

Broj: 07-21/2-1665/25
Sarajevo, 10.07.2025. godine

Parlament Federacije Bosne i Hercegovine
Predstavnički/Zastupnički dom
n/p zastupnik Slaven Raguž

Parlament Federacije Bosne i Hercegovine
Predstavnički/Zastupnički dom
n/p sekretara

Bosna i Hercegovina
Vlada Federacije BiH
n/r gđa. Edita Kalajdžić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno 28-07-2025			
Org. jed.	Proj	Priloga	Vrijednost
05/1	- 02 -	316	125

PREDMET: Zastupnička inicijativa zastupnika Slaven Raguž u Zastupničkom domu
Parlamenta Federacije BiH - odgovor, *dostavlja se*

Veza: Akt Vlade Federacije BiH, broj: 03-04-1224-5/25 od 01.07.2025. godine

Postupajući u skladu sa aktom Vlade Federacije BiH, broj i datum označeni u vezi, a koji se odnosi na dostavljanje zastupničkog pitanja koje je na 22. redovnoj sjednici Zastupničkog doma Parlamenta Federacije Bosne i Hercegovine održanoj 26.06.2025. postavio zastupnik Slaven Raguž a koje se odnosi na dostavu sljedećih dokumenata:

„Rješenje broj: UP-I-07-25-35/02 od 27.05. 2002. godine i
Dozvola broj: UP-I-07-25-1071-1/01 od 04.04. 2002. godine“.

S tim u vezi, u prilogu akta dostavljamo traženu dokumentaciju i to:

1. Rješenje broj: UP-I-07-25-35/02 od 27.05.2002. godine kojim se JP „ViK“ Zenica daje koncesija za korištenje vode sa izvorišta Kruščica za potrebe javnog vodosnabdjevanja vodom Viteza i Zenice, a sa izvorišta Babina rijeka, Strmešnjak i Klopče za potrebe javnog vodosnabdjevanja vodom Zenice.
2. Rješenje broj: UP-I-07-25-1071-1/01 od 04.04. 2002. godine, kojim se JP „ViK“ Zenica daje vodna dozvola za snabdjevanje vodom potrošača na području dva kantona (Zeničko-dobojskog i Srednjobosanskog kantona) sa zahvatom vode sa izvorišta „Kruščica“ općina Vitez, u količini od 520 l/s vode kod maksimalne izdašnosti izvorišta i to 400 l/s za vodosnabdjevanje potrošača na području općine Zenica i 120 l/s za vodosnabdjevanje potrošača na području općine Vitez.

S poštovanjem,



Prilog: kao u tekstu

Dostaviti:

1. Naslovu (3x),
2. Sektoru za vode i
3. a/a



dp.
290502

Broj: UP-I-07-25-35/02

Datum, 27.05.2002.godine

Federalno ministarstvo poljoprivrede, vodoprivrede i šumarstva Sarajevo na temelju članka 231. stavak 3. Zakona o vodama ("Službene novine Federacije BiH", broj 18/98) i članka 200. stavak 1. Zakona o upravnom postupku ("Službene novine Federacije BiH", broj 2/98 i 48/99), a u svezi sa člankom 71. stavak 4. točka 2. Zakona o vodama i člankom 17. Uredbe o koncesijama na vodama i javnom vodnom dobru ("Službene novine Federacije BiH", broj: 8/00), rješavajući u postupku po zahtjevu Javnog preduzeća "Vodovod i kanalizacija" Zenica za dodjelu koncesije za korištenje vode sa izvorišta Kruščica, Babina rijeka, Strmešnjak i Klopče za potrebe javne opskrbe vodom grada Zenice broj: 103-2681-2/98 od 17.11.1998. godine donosi

RJEŠENJE

1. Javnom preduzeću "Vodovod i kanalizacija" Zenica daje se koncesija za korištenje vode sa izvorišta Kruščica za potrebe javne opskrbe vodom Viteza i Zenice, a sa izvorišta Babina rijeka, Strmešnjak i Klopče za potrebe javne opskrbe vodom Zenice.
2. Koncesijom se daje pravo korištenja vode sa gore navedenih izvorišta u maksimalnim količinama kako slijedi: izvorište Kruščica 520 l/s, izvorište Babina rijeka 200 l/s, izvorište Strmešnjak 10 l/s i izvorište Klopče 5 l/s.
3. Koncesija se daje na rok od 40 (slovima: četrdeset) godina računajući od sljedećeg dana od zaključenja Ugovora o koncesiji, koji će na temelju ovog rješenja zaključiti Davatelj koncesije i Korisnik koncesije.
4. Korisnik koncesije je dužan sa izvorišta Kruščica vršiti zahvatanje i raspodjelu vode prema točki 1. vodoprivredne dozvole broj: UP-I-07-25-1071-1/01 od 04. aprila 2002.godine izdate od strane Federalnog ministarstva poljoprivrede, vodoprivrede i šumarstva.
5. Korisnik koncesije je dužan pribaviti vodoprivredne dozvole za korištenje vode za potrebe opskrbe vodom sa izvorišta Babina rijeka, Strmešnjak i Klopče i postupa u skladu sa istim.
6. Korisnik koncesije je dužan vršiti stručnu provjeru stanja izvorišta i rezultate u formi stručnog izvješća dostavljati ovom Ministarstvu svakih pet godina.
7. Korisnik koncesije je dužan plaćati naknade za korištenje koncesije po ovom rješenju u visini, na način, po postupku i u rokovima utvrđenim Ugovorom o koncesiji;
8. Plaćanje naknade za korištenje koncesije za predmetnu namjenu ne isključuje obvezu Korisnika koncesije da plaća posebnu vodoprivrednu naknadu za korištenje voda u skladu sa Zakonom o vodama.
9. Ovo rješenje dostaviće se i Javnom preduzeću za "Vodno područje slivova rijeke Save" Sarajevo radi unošenja podataka iz ovog rješenja u vodoprivredni informacijski sustav.
10. O posebnim troškovima za donošenje ovog rješenja odlučuje se posebnim zaključkom.
11. Korisnik koncesije je dužan u roku od 8 (osam) dana od dana prijema ovog rješenja uplatiti upravnu pristojbu u iznosu od 700,00 KM (slovima: sedam stotina komnertibilnih maraka) sukladno tarifnom broju 43. točka 6. Zakona o federalnim upravnim pristojbama i tarifi federalnih upravnih pristojbi ("Službene novine Federacije BiH", br. 6/98 i 8/98) na žiro račun broj 1540011100661492 kod UPI banke dd Sarajevo ili na žiro račun broj 1650011000036922 kod Univerzal banke d.d. Sarajevo, vrsta prihoda 722112, svrha uplate: Federalne pristojbe.

JP "Vodovod i kanalizacija" Zenica je dana 17.11.1998.godine podnijelo zahtjev broj: 103-2681-2/98 za davanje koncesije za potrebe javne opskrbe vodom grada Zenice sa izvorišta Kruščica, Babina rijeka, Strmešnjak i Klopče.

U postupku rješavanja Federalno ministarstvo poljoprivrede, vodoprivrede i šumarstva je izvršilo uvid u sljedeću dokumentaciju: Program korištenja koncesije za vodoopskrbu grada Zenice, urađen od strane JP "Vodovod i kanalizacija" Zenica, februara 2002. godine; Stručni izvještaj za koncesiju snabdijevanja vodom naselja broj: 13-660-3/00 od 24.04.2001.godine urađen od strane JP "Vodno područje slivova rijeke Save" Sarajevo; Vodoprivrednu dozvolu broj: UP-07-25-1071-1/01 od 04. aprila 2002.godine izdatu od strane ovog Ministarstva; Upis u registar Osnovnog suda udruženog rada u Zenici o organizovanju javnog preduzeća pod firmom Javno preduzeće "Vodovod i kanalizacija" od dana 31.05.1990.godine; Odluku Vijeća Općine Zenica o vodovodu i kanalizaciji, objavljenu u "Službenim novinama općine Zenica" broj: 01-23-11-768/00 od 28.12.1999. godine; Studiju kvantitativnih karakteristika sa analizom uslova raspodjele zahvaćenih količina vode u funkciji izdavanja vodoprivredne dozvole za izvorište Kruščica, urađenu od strane Instituta za hidrotehniku Građevinskog fakulteta u Sarajevu februara 2002 godine; .

U postupku rješavanja Ministarstvo je utvrdilo da je JP "Vodovod i kanalizacija" Zenica pravovremeno podnijelo zahtjev za davanje koncesije sukladno odredbama članka 231. stavak 2. Zakona o vodama ("Službene novine Federacije BiH" broj 18/98). Dostavljenim upisom u registar Osnovnog suda udruženog rada u Zenici o organizovanju javnog preduzeća pod firmom Javno preduzeće "Vodovod i kanalizacija" i Odlukom Vijeća Općine Zenica o vodovodu i kanalizaciji Ministarstvo je utvrdilo da se radi o postojećem korisniku. Time je JP "Vodovod i kanalizacija" Zenica steklo pravo dodjele koncesije bez sprovođenja natječaja sukladno članku 17. Uredbe o koncesijama na vodama i javnom vodnom dobru ("Službene novine Federacije BiH", broj: 8/00).

Kako JP "Vodovod i kanalizacija" Zenica trenutno opskrbljuje oko 90.000. stanovnika stvarno nadležno tijelo za vođenje postupka dodjele koncesije po Zakonu o vodama je Ministarstvo.

U postupku rješavanja Ministarstvo je sukladno članku 17. Uredbe o koncesijama na vodama i javnom vodnom dobru pribavilo stručni izvještaj broj: 13-660-3/00 od 24.04.2001.godine nadležnog JP "Vodno područje slivova rijeke Save" Sarajevo.

U postupku rješavanja Ministarstvo je razmotrilo Program korištenja koncesije za vodoopskrbu grada Zenice, sa prilogima, urađen od strane JP "Vodovod i kanalizacija" Zenica, februara 2002.godine. Iz dostavljenog Programa utvrđeno da se vodoopskrbni sustav grada Zenice sastoji od izvorišta "Kruščica", "Babina rijeka", "Strmešnjak" i "Klopče", te pratećih vodovodnih objekata, transportnih cijevnih vodova i distributivne mreže kao jedinstvene tehničko-tehnološke cjeline. Sva izvorišta, građevinski objekti i oprema vode se u poslovnim knjigama JP "Vodovod i kanalizacija" Zenica. JP "Vodovod i kanalizacija" će kao budući koncesionar nastavljati obavljati svoju osnovnu djelatnost tj. vršiti proizvodnju i distribuciju pitke vode za potrebe stanovništva i gospodarstva Zenice.

U postupku rješavanja Ministarstvo je razmotrilo i sljedeću dokumentaciju: Ugovor br.1875 od 22.05.1968.godine između KP "Vodrad" Zenica i GP "Bosna" Sarajevo o izvođenju građevinskih radova na međukomunalnom vodovodu Kruščica-Vitez-Zenica, Ugovor br.1876 od 22.05.1968. godine između KP "Vodrad" Zenica i Fabrike "11 Oktomvri" Kumanovo o građenju cijevnih vodova međukomunalnog vodovoda Kruščica -Vitez-Zenica i Rješenje Republičkog sanitarnog inspektorata Sarajevo br. UP-I-06-1452/70 od 09.11.1970.godine o odobrenju za upotrebu vodovoda Kruščica-Vitez-Zenica. Ministarstvo je utvrdilo da se se radi o već izgrađenoj vodozahvatnoj građevini i transportnim cjevovodima od izvorišta Kruščica do razdjelne komore -mjerne stanice Vitez dimenziniranih na količinu 520 l/s. Stoga će se zahvatanje i raspodjela vode sa izvorišta Kruščica vršiti prema prema točki 1. vodoprivredne dozvole broj: UP-07-25-1071-1/01 od 04. aprila 2002.godine.

Uzevši u obzir naprijed navedeno Federalno ministarstvo poljoprivrede, vodoprivrede i šumarstva je ustanovilo da je zahtjev JP "Vodovod i kanalizacija" Zenica osnovan.

Stoga je na temelju članka 231. stavak 3., a sukladno čl. 69. stavak 1., 70. stavak 1. točka 1. i 71. stavak 1. točka 2. Zakona o vodama i članka 200. stavak 1. Zakona o upravnom postupku udovoljilo zahtjevu stranke kao u dispozitivu ovog rješenja.

Točkama 4., 5., 6., 7., i 8., dispozitiva rješenja su propisani obveze koje je podnositelj dužan u cjelosti provoditi. Propisani uvjeti se odnose na obvezu pridržavanja uvjeta iz vodoprivredne dozvole i nastanaka u skladu sa istom prihvatanja vodoprivrednih dozvola za dijelove sustava za koje

podnositelj zahtijeva ne posjeduje vodoprivredne dozvole, kontroli stanja izvorišta, plaćanju naknade za korištenje koncesije, i postupanju kod vršenja dodatnih istražnih radova i rekonstrukcije i izgradnje objekata na užem lokalitetu izvorišta.

Rješenjem je utvrđeno da se koncesija daje na rok od 40 godina, da je Korisnik dužan da plaća i posebnu vodoprivrednu naknadu za korištenje vode.

Posebni troškovi za donošenje ovog rješenja u stvarnom iznosu su utvrđeni posebnim zaključkom ovog Ministarstva na temelju člana 111. stavak 1. Zakona o upravnom postupku.

Pravna pouka: Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Vrhovnog suda Federacije Bosne i Hercegovine u roku od 30 dana od dana prijema rješenja.

Dostavljeno:

1. JP "Vodovod i kanalizacija" Zenica
2. JP "Vodno područje slivova rijeke Save" S
3. Sektor vodoprivrede
4. a/a



MINISTAR

Amira Hadžinađarević

[Handwritten signatures and initials]



Broj: UP-I-07-25-1071-1/01
Sarajevo, 04. aprila 2002.godine

Federalno ministarstvo poljoprivrede, vodoprivrede i šumarstva Sarajevo rješavajući po zahtjevu J.P. "Vodovod i kanalizacija" Zenica za izdavanje vodoprivredne dozvole za dio objekata vodovodnog sistema Kruščica-Vitez-Zenica koji služe za snabdjevanje vodom potrošača na području dva kantona (Zeničko-dobojskog i Srednjobosanskog) sa zahvatanjem vode sa izvorišta "Kruščica" općina Vitez, u količini od 520 l/sec kod maksimalne izdašnosti izvorišta i to 400 l/sec za vodosnabdjevanje potrošača na području općine Zenica i 120 l/sec za vodosnabdjevanje potrošača na području općine Vitez, a na osnovu člana 55., a u vezi člana 44. stav 1. tačka 4. Zakona o vodama ("Službene novine Federacije BiH", broj:18/98) i člana 200. stav 1. Zakona o upravnom postupku ("Službene novine Federacije BiH", br: 2/98 i 48/99) d o n o s i

RJEŠENJE

1. Daje se vodoprivredna dozvola J.P. "Vodovod i kanalizacija" Zenica za snabdjevanje vodom potrošača na područja dva kantona (Zeničko-dobojskog i Srednjobosanskog) sa zahvatom vode sa izvorišta "Kruščica" općina Vitez, u količini od 520 l/s vode kod maksimalne izdašnosti izvorišta i to 400 l/s za vodosnabdjevanje potrošača na području općine Zenica i 120 l/s za vodosnabdjevanje potrošača na području općine Vitez. U slučaju manje izdašnosti izvorišta "Kruščica" raspodjela vode za Zenicu je 77% od ukupne količine, a za Vitez 23% od ukupne količine.
2. Vodoprivredna dozvola se daje J.P. "Vodovod i kanalizacija" Zenica za slijedeće objekte vodovoda "Kruščica"-Vitez-Zenica, kojim se snabdjevaju vodom općine Zenica i Vitez i to;
 - 2.1. Vodozahvatne objekte na izvorištu "Kruščica";
 - 2.2. Čelični cjevovod od kaptaže sa izvorišta "Kruščice" do sabirnog rezervoara;
 - 2.3. Čelični cjevovod od sabirnog rezervoara do mjerne stanice Vitez sa razdjelnom komorom;
 - 2.4. Mjerne stanice Vitez sa razdjelnom komorom iz koje se posebnim cjevovodima odvaja maksimalno 400 l/s za snabdjevanje vodom Zenica, a maksimalno 120 l/s za snabdjevanje vodom Viteza;
 - 2.5. Čeličnih cjevovoda kojima se transportuje voda iz mjerne stanice Vitez do prevoja Vjetrenica, a zatim do distributivnog rezervoara Zmajevac II koji služi za snabdjevanje vodom za piće naselja Zenica.
3. Preostali objekti vodovodnog sistema Kruščica-Vitez-Zenica kojima upravlja J.P. "Vodovod i kanalizacija" Zenica za potrebe vodosnabdjevanja Zenice, odnosno J.K.P. "Vitkom" Vitez za potrebe vodosnabdjevanja Viteza nisu predmet ove vodoprivredne dozvole.
4. Vodoprivredna dozvola za dio objekata sistema za snabdjevanje vodom navedenim u tački 2. ovog rješenja se daje na osnovu slijedeće dokumentacije:

- 4.1. Studija kvantitativnih karakteristika sa analizom uslova raspodjele zahvaćenih količina vode u funkciji izdavanja vodoprivredne dozvole za izvorište Kruščica-urađene od strane Instituta za hidrotehniku G.F.Sarajevo, februara 2002.godine;
- 4.2. Pravilnik o održavanju, korištenju i osmatranju vodoprivrednih objekata na međukantonalnom dijelu vodovodnog sistema J.P. "Vodovod i kanalizacija" Zenica, marta 2002.godine;
- 4.3. Pregled stalnih sredstava vodovodnog sistema "Kruščica" sa stanjem na dan 31.12.2001.godine sa Izvodom iz analitičkog pregleda stalnih sredstava na dan 31.12.2001.godine-urađeno od J.P. "Vodovod i kanalizacija" Zenica-Poslovi knjigovodstva i AOP-a;
- 4.4. Vodovod Zenica-Vitez-Izvorište "Kruščica I" (Glavni projekat, knjiga IIA) koji se odnosi na objekat kaptaže Kruščica I, akvadukt uz kaptažu i armirano betonski propust-Zavod za izradu građevinsko investicione dokumentacije Građevinskog fakulteta Zagreb, mart 1967. godine;
- 4.5. Vodovod Zenica-Vitez-Izvorište "Kruščica" I (glavni projekat, knjiga IIB) Zavod za izradu građevinsko investicione dokumentacije Građevinskog fakulteta, Zagreb od marta 1967.godine;
- 4.6. Vodovod Zenica-Vitez-Izvorište "Kruščica" II (glavni projekat, knjiga IIIB) Zavod za izradu građevinsko investicione dokumentacije Građevinskog fakulteta, Zagreb od marta 1967.godine;
- 4.7. Zaštita izvorišta Zeničkog vodovoda, br. HZ/D 164- Zavod za hidrotehniku Građevinskog fakulteta Sarajevo, od januara 1976.godine;
- 4.8. Program kontrole kvaliteta vodovodnog sistema Zenica-Institut za hidrotehniku Građevinskog fakulteta Sarajevo, od juna 1991.godine;
- 4.9. Stručno mišljenje za izdavanje vodoprivredne dozvole urađeno od J.P. "Vodno područje slivova rijeke Save" Sarajevo, broj: 13-660-6/00 od 03. maja 2001.godine;
- 4.10. Akt broj: 05/07-25-855-1/01 od 18.05.2001.godine, Ministarstvo za poljoprivredu, šumarstvo i vodoprivredu Zeničko-dobojskog kantona.

5. Vodoprivredna dozvola za objekte međukantonalnog sistema za snabdjevanje vodom navedene u tački 2. ovog rješenja se daje pod slijedećim uslovima:

- 5.1. Da korisnik vodoprivredne dozvole na izvorištu "Kruščica" i na mjernoj stanici Vitez vrši održavanje uređaja (vodomjera) za mjerenje količina zahvaćene vode, kao i vode koja se usmjerava u transportne cjevovode do distributivnih rezervoara vodovoda Zenica i vodovoda Vitez;
- 5.2. Da korisnik vodoprivredne dozvole vrši mjerenje količina zahvaćene vode na izvorištu "Kruščica" i u mjernoj stanici Vitez, da podatke o tim mjerenjima unosi u propisanu evidenciju, da podatke iz te evidencije unosi u propisane mjesečne izvještaje i iste dostavlja nadležnoj instituciji u propisanom roku i obračunava i plaća posebnu vodoprivrednu naknadu za iskorištavanje voda u skladu sa važećim podzakonskim propisima;
- 5.3. Da korisnik vodoprivredne dozvole preduzima mjere za zaštitu izvorišta "Kruščica" u skladu sa propisima i da preduzima sve tehničke i druge propisima određene mjere za kontrolu i isporuku vode odgovarajućeg kvaliteta u distribicioni rezervoar "Zmajevac II" i u cjevovod kojim se voda transportuje do rezervoara "Gradina" u Vitezu;

- 5.4. Da se korištenje, održavanje, pogon i čuvanje objekata iz tačke 2. ovog rješenja vrši u skladu sa pravilima struke i nauke i u skladu sa investiciono-tehničkom dokumentacijom navedenom u tački 4. ovog rješenja kao i u skladu sa Pravilnikom navedenim u tački 4.2. ovog rješenja.
- 5.5. Korisnik vodoprivredne dozvole dužan je da vrši redovnu provjeru stanja izvorišta "Kruščica" i da rezultate provjere dostavlja ovom Ministarstvu svakih pet godina, a u slučaju potrebe i češće;
- 5.6. Korisnik vodoprivredne dozvole obavezan je da potrošačima isporučuje zdravstveno ispravnu vodu, što podrazumjeva redovno praćenje kvaliteta vode, u skladu sa važećim Pravilnikom o zdravstvenoj ispravnosti vode za piće;
- 5.7. U slučaju potrebe izvođenja drugih istražnih radova na užem lokalitetu izvorišta "Kruščica" ili rekonstrukcije postojećih objekata iz tačke 2. ovog rješenja J.P. "Vodovod i kanalizacija" Zenica dužno je da predhodno pribavi vodoprivrednu saglasnost, a nakon toga i vodoprivrednu dozvolu od nadležnog organa;
- 5.8. Korisnik vodoprivredne dozvole je dužan da u roku od 90 dana od dana stupanja na snagu podzakonskog akta iz člana 117. stav 6. Zakona o vodama da finansira i ugovori izvođenje potrebnih istražnih radova za izvorište "Kruščica" i izradu Elaborata kojim će biti utvrđene veličine i granice uže i ostalih zaštitnih (sanitarnih) zona tog izvorišta, sanitarni režim i drugi uslovi u skladu sa rezultatima istražnih radova i utvrđivanje drugih zaštitnih mjera. Po završenoj izradi stručnog elaborata, i po potrebi njegovog revidovanja, korisnik vodoprivredne dozvole će nadležnom organu Srednjobosanskog kantona po članu 117. stav 9. Zakona o vodama predložiti donošenje opšteg akta (odluku) o zonama sanitarne zaštite i zaštitnim mjerama izvorišta "Kruščica";
- 5.9. Korisnik ove vodoprivredne dozvole je dužan u najkraćem roku, a najkasnije do 31.12.2002.godine od nadležnog organa pribaviti vodoprivrednu dozvolu za rezervoar "Zmajevac" i ostale objekte vodovodnog sistema koji služe za snabijevanje vodom Zenice.

6. Ova vodoprivredna dozvola za objekte vodovodnog sistema za snabijevanje vodom navedene iz tačke 2. ovog rješenja se daje na određeno vrijeme na rok od pet godina od dana izdavanja ove vodoprivredne dozvole.

7. Ukoliko predmetni objekti prouzrokuju promjenu režima voda, a te promjene eprouzrokuju štete ma kvakvog karaktera (ili dođe do nekih drugih šteta) korisnik istih je dužan uzroke šteta odkloniti, a nastale štete nadokanditi.

8. Prije isteka roka važnosti ove vodoprivredne dozvole, korisnik predmetnih objekata je dužan da zatraži njeno produženje.

O b r a z l o ž e n j e

Ministarstvo za poljoprivredu, šumarstvo i vodoprivredu Zeničko-dobojskog kantona dostavilo je ovom Ministarstvu 25.maja 2001.godine zahtjev J.P. "Vodovod i kanalizacija" Zenica broj: 101-3353/99 od 29.12.1999. godine za izdavanje vodoprivredne dozvole za vodovod Zenica koji se snabdjeva vodom iz izvorišta "Kruščica" općina Vitez.

Uz zahtjev je dostavljena dokumentacija navedena u tački 4. ovog rješenja.

Prema članu 23. stav 2. Zakona o vodama vodoprivredni objekti koji služe za vodosnabdjevanje potrošača na području dva ili više kantona (izvorišta, vodozahvati ili akumulacije, crpne stanice, uređaji za kondicioniranje vode i glavni transportni cjevododi do distribucionih rezervoara) su objekti od interesa za Federaciju BiH. Po osnovu ove odredbe ovom vodoprivrednom dozvolom obuhvaćeni su objekti ovog vodovodnog sistema koji služe za vodosnabdjevanje potrošača na području dva kantona za koje je podnesen zahtjev i to vodozahvatni objekti, dovodni cjevovod do sabirnog rezervoara, dovodni cjevovod do mjerne stanice, mjerna stanica sa razdjelnom komorom i transportni cjevovod do rezervoara "Zmajevac".

U ovom slučaju imamo djelove objekata sistema za vodosnabdjevanje potrošača na području Zeničko-dobojskog i Srednjobosanskog kantona, odnosno općina Zenica i Vitez.

Prema članu 55., a u vezi sa članom 44. stav 1. tačka 4. Zakona o vodama, vodoprivrednu dozvolu za iste izdaje ovo Ministarstvo.

Na Pravilnik naveden u tački 4.2. ovog rješenja treba pribaviti stručno mišljenje J.P. "Vodno područje slivova rijeke Save" Sarajevo prema članu 31. stav 4. Zakona o vodama i članu 9. Pravilnika o minimumu sadržine opšteg akta o održavanju, korištenju i osmatranju vodoprivrednih objekata ("Službene novine Federacije BiH", broj:49/01).

Navedeno stručno mišljenje treba pribaviti u roku od 60 dana i postupiti prema istom.

Predmetni vodovodni sistem sastoji se od dijela koji čini izvorište "Kruščica" (koji služi za snabdjevanje vodom Zenice i Viteza) zahvatnih građevina tog izvorišta sa transportnim cjevovodom do sabirnog rezervoara i cjevovoda koji vodi od sabirnog rezervoara do razdjelne komore-mjerne stanice Vitez. Iz mjerne stanice Vitez se posebnim cjevovodom odvaja maksimalno 400 l/s (77%) za snabdjevanje vodom Zenice, a maksimalno 120 l/s (23%) za snabdjevanje vodom Viteza, i cjevovoda od mjerne stanice Vitez do rezervoara Zmajavac II u Zenici. Ostali objekti ovog složenog vodovodnog sistema nisu predmet ovog rješenja.

U slučaju srednje i minimalne izdašnosti izvorišta "Kruščica" korištenje vode iz istog vršice se prema trenutno ukupno raspoloživim količinama vode, a u srazmjeri prema unaprijed navedenim odnosima raspodjele količina utvrđenih za maksimalnu izdašnost izvorišta "Kruščica". U Studiji navedenoj u tački 4.1. dispozitiva dato je slijedeće dole navodeno.

Izvorište "Kruščica" čine slijedeće četiri izvora maksimalne izdašnosti na pojedinim vrelima; vrelo br. 2 $Q_{max}=85$ l/s (sa tri kaptažna objekta K-2, K-2A i B-3) vrelo br. 3 $Q_{max}=255$ l/s, vrelo br. 4 $Q_{max}=20$ l/s i termalno vrelo (B-2) $Q_{max}=160$ l/s. To je ukupno 520 l/s.

Minimalna izdašnost pojedinih vrela na izvorištu "Kruščica" je: vrelo br. 2 $Q_{min}=48$ l/sec, vrelo 3. i 4. $Q_{min}=97$ l/s, termalno vrelo $Q_{min}=155$ l/s. To je ukupno 300 l/s (u ekstremnom minimumu na izvorištu "Kruščica" uvodi se u sistem vodosnabdjevanje i 13 l/s iz potoka Kruščica).

Grad Zenica se snabdjeva vodom sa: izvorišta "Kruščica" čija je minimalna izdašnost oko 300 l/s i to 77% od ukupne količine. Babina rijeka $Q_{min}=140$ l/s, vrelo Strmešnjak $Q_{min}=10$ l/s, Klopće, $Q_{min}=5$ l/s.

Broj stanovnika koje trenutno snabdjeva vodom Zenicu je 90.000 od ukupnog broja stanovnika na području općine 151.774. Nije odgovarajuće riješeno vodosnabdjevanje visokih i rubnih zona općine Zenica koji na svom lokalitetu ne raspolažu značajnijim potencijalnim izvorištima pitke vode. Sada grad Zenica ima redukcije u potrošnji vode posebno u ljetnom periodu.

Naselje Vitez se snabdjeva vodom sa; izvorišta "Kruščica" čija je minimalna izdašnost oko 300 l/s i to 23% od ukupne količine, izvorišta Kremenik iz jednog bunara $Q_{min}=65$ l/s (kada bi obadva izgrađena bunara bila u eksploataciji bila bi $Q_{min}=138$ l/s), vrelo Kolatin $Q_{min}=29$ l/s. Vrelo Faljevo $Q_{min}=4$ l/s (te iz vodotoka Večeriska $Q_{min}=3,5$ l/s za snabdjevanje tehnološkom vodom jednog dijela industrije u Vitezu).

Broj stanovnika koje trenutno snabdjeva vodovod Vitez iznosi 12.000 od ukupnog broja stanovnika na području općine 27.800. Nije odgovarajuće riješeno vodosnabdjevanje padinskih i rubnih djelova općine Vitez-razmatrana je mogućnost vodosnabdjevanja istih iz izvorišta Kremenik. Korištenjem izvorišta Kremenik u punom kapacitetu može se ostvariti poboljšanje vodosnabdjevanja na tom području.

Naselje Vitez iz zahvaćenih izvorišta ima dovoljno vode i u sušnom periodu godine, a prema Studiji tačka 4.1. dispozitiva.

Sračunate trenutne potrebe za vodom Zenice iznose 557 l/s, a za Vitez 137 l/s. Ukupni raspoloživi resursi Zenice u ekstremnom minimumu iznose 385 l/s, a Vitez 139 l/s. Sračunate potrebe i raspoloživi resursi upućuju na zaključak da u kritičnim ljetnim mjesecima Zenici nedostaje količina od 172 l/s. Na isti način provedena analiza pokazuje da u ovom trenutku Vitez može obezbijediti potrebe za vodom sa izvorišta "Kruščica" i "Kremenik". Ovo je moguće pod uslovom da se zadrži ranije dogovorena raspodjela vode sa izvorišta "Kruščica" u omjeru 77% za Zenicu i 23% za Vitez.

Na osnovu svega iznijetog, nema realnog osnova da se mjenja ranije utvrđeni omjer raspodjele sa izvorišta "Kruščica" za Zenicu i Vitez u odnosu 77% za Zenicu i 23% za Vitez - obzirom da bi promjene dogovorenog odnosa u korist Viteza značajno ugrozile tehničke uvjete vodosnabdjevanja Zenice, što je potvrđeno i tehničkom analizom datom u Studiji iz tačke 4.1. dispozitiva.

J.P. "Vodovod i kanalizacija" Zenica bila je korisnik vode iz predmetnog vodovoda i do dana stupanja na snagu novog Zakona o vodama.

J.P. "Vodovod i kanalizacija" Zenica je uz zahtjev dostavio i akte koji su pribavljeni za vodovod Kruščica-Vitez-Zenica. Na osnovu svega navedenog i provedenog postupka dato je rješenje kao u dispozitivu.

J.P. "Vodovod i kanalizacija" Zenica uplatilo je na ime vođenja postupka za izdavanje predmetne vodoprivredne dozvole iznos od 1.650 (slovima: hiljadu šestopedeset) KM na račun Budžeta Federacije BiH kod UPI banke broj: 1540011100661492 vrsta prihoda 722631 budžetska organizacija 240.100 (a prema rješenju ovog Minsitarstva broj: 07-337-3371/97 od 06. septembra 1997. godine).

Pristojba iz tarifnog broja 43. tačka 4. Zakona o federalnim upravnim pristojbama i tarifi federalnih upravnih pristojbi ("Službene novine Federacije BiH", br: 6/98 i 8/00) u iznosu od 60 (slovima: šezdeset) KM uplaćena je za Budžet Federacije BiH kod UPI banke na račun broj: 1540011100661492 vrsta prihoda 722112.

Ovo rješenje je konačno u upravnom postupku i protiv istog nije dopuštena žalba.

Protiv ovog rješenja može se pokrenuti upravni spor tužbom kod Vrhovnog suda Federacije Bosne i Hercegovine sa sjedištem u Sarajevu u roku od trideset dana od dana prijema rješenja.

MINISTAR

Behija Hadžihajdarević

DOSTAVITI:

1. J.P. "Vodovod i kanalizacija" Zenica
2. Ministarstvo za poljoprivredu ZDK-Zenica
3. Ministarstvo za poljoprivredu SBK-Travnik
4. J.P. "Vodno područje slivova rijeke Save" Sarajevo
5. FMPViŠ- Sektor vodoprivrede
6. FMPViŠ-vodoprivredna inspekcija
7. Arhiva